

縣志卷之二十九

金石志

金石文字可以正經史之譌而補其亡闕六一居士嘗癖此以爲厥功甚大作集古錄趙德甫繼之志之載金石則自漁仲氏始而郡邑尠聞焉新鄭介汴洛間多故家遺俗且唐宋卿大夫多瘞於此風摧雨蝕之餘往往于荒烟蔓艸間得殘碑斷碣然漸爲牧豎磨礮不可辨識更數十年不幾盡化爲無字碑乎予甚惜之爰屬諸同志竭力蒐討得若干章卽字跡漫漶亦備錄焉其間有欵識可記者並載之若文字完好仍歸入藝文志不贅見也編成弁以鼎尊二銘庶不虛金石之義後之作集古錄

者當必取徵于此矣作金石志

鄭成公問銘 銘二百三字見宣和博古圖圖作秦穆公非故錄其

原文而著其辨于後

成曰不顯走皇祖穆公克夾釁先王曰左方穆成公亦闕一歷望

一闕一皇考幽大叔繼闕一命成允缺一祖考政于刑邦弘缺一

大闕二賜朕般右作命臣工哀哉用天降亦喪于上或亦惟器屋

黜方率南缺一節東缺一廣缺一南域東域至于歷寒王缺一命

迺六昌爇八昌曰冕成共侯缺一方缺一眉壽子右昌缺一客欲

匡每克我缺一爵武公迺缺一我率公朱軒百棗飮缺一百徒缺一

作王缺一黜缺一昌缺一昌揚六昌缺一昌缺一侯缺一勿缺一壽

率雱缺一字以缺一字已缺二字至于豨京我缺四字定缺一字方甥缺一字成

缺六字也用作入寶缺二字其萬萬子子孫孫缺一字寶用

右鄭成公鬲銘也宣和博古圖錄作秦穆公鬲其錄云考秦世

次先武公次成公而穆公又其次之銘復先穆公次言成公後

言武公質諸經傳莫不有意義雖詩曰既右烈考亦右文母蓋

自烈考以上逮於文母也而此鬲之文世次亦有所法予謂銘

者書之流別也天子令德諸侯計功大夫稱伐其辭雖不同而

意則一也圖中所載古鬲銘甚多按之俱不類今定以為鄭鬲

于義始合考史記鄭世家武公克虢鄆之地而居於鄭數傳至

穆公其子靈公靈卒庶弟襄公立襄卒子悼公立悼卒弟成公

立是穆公爲成公之祖故云皇祖穆公也若以爲秦則成公在穆公之前銘有云成曰則是成公之言矣豈得曰皇祖穆公乎哉銘又云政于邢邦許慎說文鄭地有邢邑銘又云至于口京賈逵曰京鄭都邑杜預曰滎陽京縣京邢皆鄭地不得爲秦則可知其言武公者蓋以其爲新鄭之所始故特言之爾不一作不曰不顯走者詩言有走不顯走者如太史公牛馬走蓋自卑之稱也特識之以俟博雅者攷訂焉

鄭高克尊銘 銘五十八字見考古圖原文見後

唯十有六年十月旣生朝乙未伯太師錫伯克僕山夫伯克敬
揚天佑王伯友用作朕穆考後仲尊高克用司眉壽無疆克

子子孫孫永保用享

按左傳閔公二年鄭人惡高克使帥師次於河上久而不召師
潰而歸高克奔陳鄭人爲之賦清人則是噐蓋鄭物也考古圖
作衛非霸玉篇今作魄顏師古曰與魄同

東魏造佛像碑 碑在三堂寺上下皆刻佛像中截刻文每行六字
共十八行原文見後

大魏武定元年歲次癸亥二月辛酉朔三日合等敬造石像壹區
夫霑元凝湛唯佛現會真容紺盡經像訓世然今此下道俗等故
能異人同拜敬造石像壹區上爲皇家祚隆萬代中爲師僧父母

下爲邊地衆生缺除行備果缺時見性下缺

魏崔府君墓誌篆蓋 石在時家莊觀音堂篆刻魏金紫光祿大夫
陶城郡守崔府君墓誌十六字文亡

按篆蓋止言魏而文已亡不知曹魏元魏考魏書官氏志三品
曰尹曰刺史加秩則金紫光祿大夫其爲元魏無疑故附此

妙法蓮華經石幢 幢在卧佛寺山門內東二百爲風雨剝蝕餘四
面可辨字體甚古未知何代人書其風格總在唐以前故附此
北齊造佛像碑 碑在三堂寺牆上上截刻文下截刻人名多不可
辨原文見後

大齊天保九年歲次戊寅四月戊午朔廿

關五

中己未大覺冲筭

其缺二以缺四萬之唯邠音道樹缺七蔭唯邠合缺十乘缺三之

字缺三唯邠缺四述之遵是缺五魯山玉寺缺一近缺四福缺二皆

捨家缺二敬造七級浮圖缺一區中有缺一面大龍缺一像缺三

字高大缺一文龍缺一轉石其上缺二尊禮於其下金缺一在缺七

字十姓缺一具在其上置之缺一之可缺二記之於是看者盈門

字缺二揆缺四念者救危度缺三之缺五也缺二來因窳缺十哉

北齊造佛像碑 碑在觀音寺石裂為五正面鑄諸菩提像及四比

邱名製甚精巧陰防文凡五百五字微作隸體蓋當時書法猶有

漢魏間遺意云原文見後

比邱惠常 比邱尼惠方

比邱察幼

比邱道先

維大齊河清三季歲次甲申四月己丑朔十三^②庚子敬造若夫至
理元寂非言無以詮其景行道宗沖邃匪功僧以表其盛德至迺擾
擾四生皆出入於存亡之境駟駟萬人僉去來於是非之路幻術雖
形駛電已滅輪迴不息循環豈已非建宏業意奉靈津昏戒之郭誰
滅明達之旨焉致然有北豫州州都白水王府行暴軍兼別駕毛叉
擢本八桂之藪抽芳鄧林之苑播才俊於隆府藉地厚於竊家識惠
清遠人爲水鏡器量遊濟才實適理苦空無我便損七尺之軀緣假
非有不憚千金之貨仍育比邱僧道政德行淹闊食素修顯洗心法
水構情道際共相經紀出入存功遂率邑義州人等選自福田瞻言

勝地在垣壩寺於敬造石像一區石採嵩華匠追揚鄴麗絕圖續妙
盡真容正佩鄭邑見桓武之舊事南面形山瞰由產之盛業在帶二
水乃延智者之居右瞻三山仍屬仁者之宅千蕪百菓異色同榮葉
弊陰連少知星月流道之客得道入門負笈之夫陟遊忘返宗門儀
德器兮是歸荷錫名僧豈遠千里戒行清苦必存十善之識言念至
誠詎違六持之道馴馴恂恂邕邕穆穆真有鹿苑之風不無鳥山之
誨敬羨嘉處建茲功德其詢曰無小蕪大蕪想伊轡誰窮誰達盍盡
爲非詰人明識惠此法機濟時以道撫手留衣苦海揚波大宅炎盛
多途汲引昇此究竟返迷得衲假我明命膺感不休功興已竟道生
四諦業起三門白鷺致善烏鴨與恩霑遙宏烈敢庶斯存鐫石功紀

固本深根理尚沖寂道貴清素絕塵自此和光匪處崔嵬高山浮邱
已過潺湲流水濯澗是趨

北齊佛座題名記 碑在石洞寺佛像座下其月作月日作日者古
文也原文見後

大齊武平五年歲在午二月辛卯朔廿日庚戌丁思遠敬造石像

一區

碑

唐佛頂尊勝陀羅尼經幢 幢在卧佛寺浮圖北永淳二年建立上
大書上爲開元神武皇帝八字經行書

唐墓誌碑 乾隆元年五月六日郭店西北半里許雨過溝岸搗有
古磚見上書一百九十八字原文見後

維大唐開元十一年歲次癸亥四月乙未朔二日景申鄭州新鄭縣萬歲鄉萬歲里博陵郡崔時極殯在鄭州管城縣馬亭鄉華城里朱劉村西北一里半東西掘澗北坡李素地內安置又東南去郭店二里西南去

缺

唐辛府君墓誌 石在捕草山東乾隆三十八年出土爲民家移作擣衣砧故字多殘毀原文見後

大唐故右衛勳衛吏部常選辛府君墓誌

并序

胙土開家義光於夏典因封得姓遺煥於莘墟暨後金玉相輝忠良遽襲歷周秦而凝繁經漢魏而不渝所謂寵祿不朽代濟其光公侯子孫實在是矣公諱景祚字景祚其先隴西人也曾祖昭後

魏魯陽太守有隨外黃太守賦能席以鎮俗乘鳥輿而警務祖福

唐汝州襄城滑州白馬二縣令考元覽唐萊州膠水字一州宋城

二縣令胥字人以簡御黠有方道異飛鳧才同繫驥公起家右衛

勳衛吏部常選林泉縱心詩酒自怡耻州縣之徒勞不乾沒於名

利湛黃字一三頤聳嵒松於千仞豈期驚波不駐側景難留與善無

徵殲良奄及以開元七年二月八日終於青州蓋字一夫人隴西

李氏柔明成性道殉張箴婉順居懷義符字一誠以神龍元年正

月十五日終於私第嗚呼生死雙桐雖字一於魏并飛沉兩劍終

共沒於吳江後夫人昌黎韓氏粵以天寶七載十一月十三日合

葬於滎陽郡新鄭縣幽勝鄉之原禮也嗣子庭芳等扣厚塋廩

字 五 落蔭旌素行以紀德刊元石以貞信乃爲銘曰

仁本在禮缺一在乎孝生事靡嘗死事不撓恭缺一人存於教崇

於典缺一榮其宅兆是美是德克光克缺一

唐修公孫僑廟碑 碑在祠中天寶七載建隸書

按明于奕正金石志云新鄭縣有唐天寶中修公孫僑廟碑舊

志載康熙三年邑令謝鴻奇重建祠宇記末云祠興於唐天寶

七載歲戊子專知官朝議郎行令嚴宙及判官宣德郎行尉王

季復奉招討使某公所建云云又黃叔璥中州金石考云碑石

斷裂可辨者一百十四字今此碑已亡僅存墻角片石十數字

而已蓋此碑于明時尚存謝令時猶可辨數百字至黃公作考

時已亡其半今相去又四十年字蹟所存如此更後數年其可復問乎予又于友人家見舊搨本雖不可句讀然中有天寶七載五月十三日及專知判官宣德郎百餘字其落款處有元皓敬三字書法在韓擇木梁升卿之間惜不得其全爲可惜也

唐滁州刺史滎陽鄭公墓誌銘 中州金石考云白居易撰

按長慶集云元和二年遷墓於鄭州新鄭縣某原附先秘書之塋

宋志古堂記 中州金石考云尹洙撰碑舊在縣署今亡文載藝文志

宋封秦國陳公碑銘 碑在墓南二百餘步高二丈許濶八尺凡二

平四百九十一字內缺五百二十七字原文又見後

大宋故中散大夫左諫議大夫輕車都尉臨潁縣開國男食邑
三百戶賜紫金魚袋累贈開府儀同三司太師尚書令兼中書

令追封秦國陳

缺三字碑銘并缺

朝散大夫尚書兵部郎中知制誥同勾當三班院上輕車都

尉賜紫金魚袋王舉正撰

朝散大夫行尚書膳部員外郎知國子監書學兼判吏部南

曹輕車都尉周越書并篆額

夫雲上于夫霈甘澤而潤下士志於道萬餘慶而昌後若乃嚮用
五福浚明三德輝光炳大畜之旨博厚淑中庸之訓亘代作範詒

謀俾肖缺五若缺四公諱省華字善則著先瀟川人矯滯受封權

與脂姓隱繼儲祉才英間出紛綸卓犖薰灼方將會王父以翔唐

末補并門記塞王建守益部缺二慕下時建博險缺六記缺一諷

以大義建不能用投劾謝缺一遂為缺十王父諱翹仕蜀為遣運

使嚴考諱昭汝抗志遷俗林卧家今奕世令德茲焉發祥累贈俱

躋極品公十三而孤端誠力學奮節不倚缺五聞其名召為鳳州

西水缺三無所遂委質焉嘗濟夾江始及中流缺六舟覆缺二公

伏于馬上與之沉浮觀者駭焉謂少之必溺俄有漁者飛楫而拯因

而獲全識者謂非有德者乃無生矣陰護幽贊孰知其然異時昌

大誼可知也缺五以缺二得而為行益敏缺四之道吾知之矣且

字缺三不字自他有耀予字行矣會鉅宋開國偽昶納籍公不

俟駕而首親闕下初命秦州隴城簿累改京兆府櫟陽令鄭白之

沃為邑膏雨惠久而吏蠹政慢而字專利字盜字公一心

農疇勸力渠事且令字日字襄民字金之斂歲輪強家非

所以為銅墨之大夫也必將爭之不勝不止彼營營之飛信信之

聲祗益其咎爾胡足畏也鄰壤違公之言字公之心字復乃

滲漉之潤字之稼字食邦賦充衍不匱人到於今字里之

俗尚乎晚莖父母昆弟率從棄瘞木已拱矣視之恬然公職化長

人思有以勸乃謂民猶水也繫夫所導孔子曰字事字從周

蓋美夫送終之禮具字草莽忘字霜露誨之自我能無字